

Powšitkowne WOZJEWJENJA

njedźelu, 28. apryla 2024

Duchowna hudźba

Dalši nyšpor w rjedže duchowneje hudźby w Budyskej tachantskej cyrkwi budže 5. meje, we 18.00 hodź. Pod hesłom „Słowa kaž hudźba: Džak za žiwjenje“ wuhotuje nutrność z Baćonja pochodžacy organist Tomaš Žur zhromadnje ze swojej mandžel-skej Roswithu. Wšitcy zajimcy su wutrobnje přeprošeni.

Wohnjowi wobornicy do Różanta

Džakna Boža mša wohnjowych wobornikow ze Zarjadniskeho zwjazka „Při Klósterskej wodže“ kaž tež susodnych woborow na česć swjateho Floriana budže pjatk, 10. meje, w 19.00 hodź. w hnadownej cyrkwi w Róžeńće. Wšitcy wobornicy kaž tež hosćo su přeprošeni.

Putnikowanje staršich a chorych ludźi do Różanta

Putnikowanje staršich a chorych ludźi ze serbskich wosadow do Różanta budže sobotu, 11. meje. Boža mša zahaji so w 14.00 hodź. Na njej wudžela tym, kotřiž sej to přeja, žalbowanje chorych. Wot 13.30 hodź. modla so tam swjaty różowc.

Putnikowanje do Hejnic

Wěriwi z Němskeje, Pólskeje a Českeje su sobotu, 11. meje, na putnikowanje wujedn-
anja do českich Hejnic přeprošeni, wuraznje tež Serbja. Boža mša w hnadownej cyrkwi
zahaji so w 10.30 hodź. Hłowny celebrant budže Eichstättski biskop a benediktin Gre-
gor Maria Hanke.

Wulět samostejacych

Wulět samostejacych ze serbskich wosadow budže wutoru, 4. junija, a powjedže do
Srjedźneje Łužicy. Wšitcy su wutrobnje přeprošeni, tež ći, kotřiž njejsu samostejacy.
Zajimcy měli so w redakciji Katolskeho Posoła, telefonowe čisło (0 35 91) 55 02 12
přizjewić.

Dalekubłanje na polu prewencije před seksualizowanej namocu

Prewencija přećiwo seksualizowanej namocy je wažny wobstatk džěla z džěćimi
a młodžinu we wosadach. Jeje zaměr je, nowu kulturu wjazomneje zhromadnoće wu-
wiwać. Za to trěbne su prewentiwne struktury a procesy. We Worklečanskim Don Bo-
skowym domje poskića k tomu dalekubłanja, a to na třoch terminach: pjatk, 24. meje,
wot 18.00 do 21.00 hodź. kaž tež po pónđzelomaj, 3. a 10. junija, tohorunja stajnje wot
18.00 do 21.00 hodź. Z terminow móža sej zajimcy jedyn wuzwolić. Wšitcy přewodni-
cy ministrantow na lětušim putnikowanju do Roma kaž tež pomocnicy na nabožnych
prózdnińskich dnjach we wosadach, ale tež dalši čestnohamtscy, na přikład w sakristiji,
při wudžělenju swjateho woprawjenja abo ze šolu, abo ći, kotřiž z džěćimi a młodost-
nymi we wosadach džělaja, su cyle wutrobnje přeprošeni. Přizjewjenja přijimuju online.
Link k tomu kaž tež k dalšim wažnym informacijam je pod www.posol.de wozjewjeny.
Ličba městna za dalekubłanje je přeco na 20 wobmjezowana.

Komorna hudźba z čitanjom w Radworju

Na literarno-hudźbne zarjadowanje Budyskeho Serbskeho ludoweho ansambla (SLA) su wšitcy zajimcy tutu njedźelu, 28. apryla, w 17.00 hodź. do Radworskeho hosćenca „Meja“ přeprašeni. Basnica Róža Domašcyna čita swoje teksty z publikacije „Prjedy hač woteńdžeš“ w serbskej rěči. K tomu pokazaja wobrazy poslednich nošerkow narodneje drasty. Smyčkowy orchester SLA z hudźbu Měrcina Weclicha a dalšich serbskich komponistow zarjadowanje wobrubu. Kartki dóstanu zajimcy při kasy SLA w Budyšnje abo na internetowej stronje ansambla. Link je pod www.posol.de podaty.

Dzeń wotewrjenych duri w instituće kapałnikow

Drježdžanski institut kapałnikow přeprašuje wšitkich, kotřiž so za hólči chór zajimuju, a jich staršich na Dzeń wotewrjenych duri. Tón wotměje so sobotu, 4. meje, wot 11.30 hodź. na Wittenbergskej 88 w Drježdžanach. Zajimcy změja mjez druhim składnosć, zjawne proby scěhować, předspěwać a sej tež institut wobhladać.

Bibliska wustajeńca

Dožiwjenska wustajeńca wo bibliji je hišće hač do soboty, 11. meje, we Wósporskim Třělcowskim domje přistupna. Pod hesłom „Qumran, Luther a biblija: Wot klinoweho pisma k nanobibliji, Jezajowa róla a mnoho dalšeho. Najwjetša mobilna bibliska wustajeńca Europy“ pokazuja w přehladce mjez druhim wosebite wudaća Swjateho pisma kaž tež zajimawostki k jeje stawiznam. Wustajeńca je wšědnje wot 14.00 do 18.00 hodź. wotewrjena, njedźelu hižo wot 11.00 hodź. Link k nadrobnišim informacijam je pod www.posol.de podaty.

Knižne předstajenje z Milanom Hrabalom

Na knižne předstajenje z Milanom Hrabalom su wšitcy zajimcy do Budyskeje Smolerjec kniharnje přeprašeni. Wone budže štwórtk, 2. meje, we 18.00 hodź. Čěski basnik, přeložowar a přečel Serbow čita tón wječor ze swójskeje zběrki „Krajina wutroby – basnje wo Serbach“ w českej rěči, serbski přeložk přednjesetej Milenka Rječcyna a Róža Domašcyna. Zdobom předstajitaj Lukáš Novosad a Ondřej Šrámek česko-serbske wudaće knihi Handrija Dučmana „Vodník / Wodžan“.

Črije pjelsćować

Na džěłarničce k pjelsćowanju črijow su wšitcy zajimcy do Smochčanskeho kubłanišća swjateho Bena přeprašeni. Kurs za započatkarjow budže wot štwórtka, 30. meje, do njedźele, 2. junija, dalši za pokročonych pak wot štwórtka do njedźele, 20. do 23. junija. Přizjewjenja přijimuju hač do pónđzele, 6. meje. Link je pod www.posol.de podaty.

Wo zelach a rostlinach

Smochčanske kubłanišće swjateho Bena přeprašuje wšitkich zajimcow na seminar pod hesłom „Mocy rostlinow – dźiwje zela, hojenske rostliny a drohotne esency“. Tón budže wot pjatka do njedźele, 7. do 9. junija. Přizjewjenja přijimuju hač do pjatka, 17. meje. Link je pod www.posol.de wozjewjeny.